

NEWSLETTER

Tetor

**Tetori Rozë,
Albsig, Kontroll
Falas për Stafin.**

**Albsig,
Fushatë Sensibilizuese
për Tetorin Rozë**



**INSTAT: Viti 2021
me Numrin më të Madh
të Vdekjeve në Shqipëri**

**Shqipëria me Numrin
më të Ulët të Mjekëve
për 1100 Banorë**

**Albsig Jetë,
Kontroll Mjekësor
Falas edhe për
Bashkëpunëtorët**

**Kanceri i Gjirit,
715 Raste
Brenda 1 Viti**

**Pensionet Private, Fondi “Albsig Invest” sh.s.,
Alternativa e Duhur për Shqiptarët**

Shoqëria e Sigurimit Albsig sh.a., pjesë e Grupit KASTRATI, ushtron aktivitet të suksesshëm që nga viti 2004, në cilësinë e siguruesit të Jo - Jetës. Me një rrjet me 28 degë, Albsig mbulon territorin e Republikës së Shqipërisë. Albsig mbështetet në stafin e dedikuar dhe profesional dhe ofron shërbim të shpejtë dhe cilësor.

VIZIONI

Klienti, prioriteti ynë. Ne tejkalojmë pritshmëritë e tij përmes shërbimit, integritetit dhe profesionalizmit.

MISIONI

Të jemi zgjedhja e parë e çdo klienti. Ne rritemi bashkë me klientët tanë.

FILOZOFIA

Besim dhe solidaritet me klientët për të arritur suksesin e përbashkët.





Breast Cancer Awareness Month



Tetori Rozë, Albsig, Kontroll Falas për Stafin.

Mos prit muajin Tetor, drejtoje fokusin te siguria e shëndetit tënd!

Vetëkontrolli mujor dhe ekzaminimi nga personeli shëndetësor janë mënyrat e kontrollit më efektive që ndihmojnë në diagnostikimin në kohë të kancerit të gjirit! Edukimi dhe informimi për shenjat dhe simptomat që lidhen me kancerin e gjirit janë kryesore gjatë këtij muaji.

MOS NEGLIZHO!!

Drejtuesit e Albsig për t'i shprehur mirënjohjen dhe përkushtimin stafit të shoqërisë në kuadër të ndërgjegjësimit të Tetorit Rozë kanë hartuar një "nismë" të brendshme për kontroll shëndetësor falas të dedikuar vetëm për stafin e shoqërisë. Mënyra që ata kanë gjetur për të ndihmuar stafin është një kontroll i specifikuar falas për të gjitha gratë dhe vajzat e Albsig.

"Mbështet shpresën, lufto për jetën", kështu është titulluar nisma që ka ndërmarrë Albsig këtë vit të dedikuar vetëm për stafin e saj. Përmes kësaj nisme synohet rritja e ndërgjegjësimit të shoqërisë për sfidat shumë të vështira, me të cilat ndeshen çdo ditë gratë që luftojnë me kancerin e gjirit; si dhe të kërkohen rrugët e mjetet efikase për të ndikuar pozitivisht në luftën kundër kancerit të gjirit në përgjithësi e në mënyrë të veçantë për trajtimin e pacienteve me këtë sëmundje.



“Mbështet shpresën, lufto për jetën”

Nisma e ndërmarrë filloi me njoftimin e stafit të Albsig përmes një e-mail, në të cilin u sqarua secila punonjëse se si do të veprojë përgjatë muajit Tetor për mundësinë e përfitimit të kontrollit falas nga Albsig.

Janë njoftuar të gjitha gratë dhe vajzat për të gjithë intenerarin që do të ndjekin secila prej tyre dhe për mundësinë që ato do të përfitojnë për identifikimin e çdo problematike që mund të hasin në shëndet. Stafit të grave dhe vajzave të Shoqërisë Albsig, iu premtua se do të kenë mbështetjen e drejtuesve gjithmonë, jo vetëm me rastin e muajit të ndërgjegjësimit siç është Tetori Rozë.

Sot është e mundur që diagnostikimi i hershëm të shpëtojë jetën. Tani që startoi Tetori Rozë, ky startim fillon me muajin e ndërgjegjësimit në përpjekje për parandalimin e kancerit të gjirit. Kjo fushatë ndërkombëtare vjetore synon të edukojë rëndësinë e kontrollit të hershëm, informimin, parandalimin, diagnostikimin, trajtimin dhe kurimin e kësaj sëmundje.

Ashtu si të gjithë institucionet, organizatat, individët edhe stafi i Albsig, pjesë e Kastrati Group i bashkohet kësaj fushate edukuese për jetën.

Këtë vit, ndryshe nga vitet e tjera, target grupi i femrave që do të suportohen nga Albsig janë punonjëset e stafit.

“Kontroll Falas” për të gjitha punonjëset e Albsig. sh.a., Albsig Jetë dhe Albsig Invest. Kjo është nisma që ka ndërmarrë Albsig në këtë fushatë sensibilizimi në kuadër të muajit të ndërgjegjësimit për mbrojtjen dhe parandalimin e kësaj sëmundje, e cila do të jetë dhe një nga misionet e pandalshme të kompanisë.

Ky kontroll mjekësor rekomandohet dhe jepet falas për arsye depistuese për një sërë sëmundjesh që mund të prekin çdo lloj moshe në mënyrë ndoshta edhe të fshehtë nga ana klinike.

Mjekët e klinikës kanë të evidentuar të gjithë grupmoshën nga 25 deri në 60 vjeç që përfitojnë falas kontrollin dhe bëjnë njoftimin e tyre në mënyrë graduale për të shmangur edhe grumbullimet.



Albsig, Fushatë Sensibilizuese për Tetorin Rozë






“Roza është ngjyra ime, ngjyra jote...”

Albsig kthen "Pink October" në "Octoberfest" – në një "festë" për gratë dhe vajzat që për një muaj me radhë do të paraqiten te mjeku për vizitë dhe identifikojnë e zbulojnë problematikat e shëndetit dhe parandalojnë rrezikun e të shpëtojnë jetën! Janë në kohë, çdo grua, nënë, motër, vajzë, shoqe, kolege, për t'u kontrolluar, diagnostikuar dhe parandaluar!

Mos nguroni për asgjë, mos prisni "Pink October" po kontrollohu, në çdo moment dhe parandalo çdo të keqe që mund të sjellë neglizhenca. Këto janë thirrjet e herë pas herëshme që dëgjojmë, por më së shumti në muajin Tetor, muaj ky i ndërgjegjësimit të kancerit të gjirit. Të gjitha institucionet shtetërore e private, në kuadër të ndërgjegjësimit organizojnë fushata sensibilizuese për stafet përkatëse. Ndër to është edhe Albsig. sh.a., Albsig Jetë dhe Albsig Invest që përmes një fushate sensibilizuese, gjithësecila prej tyre dha mesazhin sensibilizues në kuadër të mbrojtjes dhe parandalimit të kancerit të gjirit.

“Roza është ngjyra ime, ngjyra jote.. kurrë mos u dorëzo”, këto ishin fjalët e hapjes së fushatës sensibilizuese ideuar dhe realizuar nga stafi i femrave në Drejtorinë e Përgjithshme të Albsig. Të gjitha gratë dhe vajzat përmes një video mesazhi kanë bërë të mundur sensibilizimin përgjatë këtij muaji. Dhënia e video-mesazheve ka karakter informative, qëllimi i të cilit është që masa më e madhe e shoqërisë sonë, kryesisht gjinia femërore, të informohen për këtë lloj sëmundje, si të identifikohen simptomat e para të saj dhe masat parandaluese për të. Njëkohësisht konsumatorët e tregut dhe jo vetëm u njoftuan edhe për aktivitetet në vijim të fushatës. Pas shpërndarjes së video-mesazhit në rrjetet sociale do të vijojë fushata dhe në terren për kancerin e gjirit nga ana e punonjësve të Albsig.



ALBSIG

PJESË E  KASTRATI GROUP



Albsig Jetë, Kontroll Mjekësor Falas edhe për Bashkëpunëtorët

Shoqëria e Sigurimeve “Albsig Jetë”, në muajin Tetor, iu bashkua fushatës për të kontribuar në “Ndërgjegjësimin e Zbulimit të Hershëm të Kancerit të Gjirit”. Në të gjithë rrjetin e shitjeve “Albsig Jetë sh.a.” u bëri të mundur bashkëpunëtorëve të saj materiale promocionale shpjeguese dhe mundësi kontrolli shëndetësor falas për siguri dhe transparencë maksimale.

Stafi i femrave të Albsig vendosi një fjongo rozë (simbol i fushatës) tek veshjet e përditshme që do të mbahet përgjatë gjithë muajit. Fushata nisi më 8 Tetor dhe përfundoi në fund të muajit. Konkretisht përmes kësaj fushate u bë e mundur një kontroll falas për të gjitha gratë dhe vajzat e rrjetit bashkëpunëtorë që shoqëria disponon.

Muaji i ndërgjegjësimit për kancerin e gjirit është një fushatë vjetore ndërkombëtare që synon të shpërndajë informacion dhe të edukojë njerëzit për rëndësinë e shëndetit të gjirit, për zbulimin e hershëm të kancerit të gjirit të gratë dhe vajzat në të gjithë botën. Albsig Jetë në kuadër të përgjegjësisë sociale i është bashkuar një sërë kauzash sociale ku një ndër to ishte dhe “Ndërgjegjësimi e Zbulimi i Hershëm i Kancerit të Gjirit”. Kauzë kjo ideuar e dizenuar për t'i ardhur në ndihmë çdo bashkëpunëtores.

Kanceri i Gjirit,

715 Raste Brenda 1 Viti

715 raste të reja me kancer gjiri janë zbuluar gjatë një viti. Tetori Rozë është përcaktuar si muaj i ndërgjegjësimit për diagnostikim të hershëm, ndaj dhe Ministria e Shëndetësisë, Ogerta Manastirliu apelon për kryerjen e mamografisë. Sipas saj, kjo bëhet më shumë emergjente pasi në çdo 8 gra që janë ekzaminuar 1 ka dalë me kancer.

“Ne duam që të sensibilizojmë të gjitha gratë të moshës mbi 40 vjeçare për të kryer kontrollin periodik të gjirit. Një në 8 gra diagnostikohet me kancer gjiri, prandaj është shumë e rëndësishme që jo vetëm përgjatë Tetorit, por përgjatë gjithë vitit gratë të jenë të sensibilizuara, të marrin pak nga koha e tyre për të kryer kontrollin periodik të gjirit”, u shpreh ministria në një konferencë për shtyp në fillim të fushatës sensibilizuese me fillimin e Tetorit Rozë.

Trajtimi i grave me kancer gjiri tashmë sigurohet 100% dhe falas. Trajtimet bëhen përmes QSUT, dhe spitalit përkatës. “Ndjekja dhe ekzaminimet e mëtejshme kryhen po në strukturat tona në Poliklinikat në Tiranë, në spitalet universitare, në spitalet rajonale. Kemi siguruar përgjatë gjithë këtyre viteve, investime në vazhdim në kapacitetet imazherike, për fuqizimin e kapaciteteve laboratorike. Por mbi të gjitha, kemi mbyllur trajtimin për sa i përket medikamenteve të shtrenjta, si herceptina për trajtimin, për kurimin e kancerit të gjirit”.

Në kuadër të muajit të ndërgjegjësimit, Ministria e Shëndetësisë ka zgjeruar dhe fashën orare të mamografisë, e cila do të bëhet nga ora 08:00 deri në 18:00 pasdite. Vitet e fundit gratë janë ndërgjegjësuar dhe janë më të kujdesshme ndaj luftës së kancerit të gjirit. Megjithatë gjatë 2020 janë kryer 269 operacione për këtë problematikë, ndërsa në 6 muajt e parë të 2021 janë kryer 163 të tillë. Sipas mjekëve nuk ka moshë të reja të këtyre pacienteve, por kryesisht janë moshat 50-70 më të prekura, gjithsesi nuk mungojnë dhe ato që trajtohen jashtë.

Lajmi i mirë sipas kirurgut Helidon Nina është se vitet e fundit ka një ulje të vdekshmërisë nga tumoret e gjirit, kjo për shkak të përmirësimit të trajtimeve onkologjike. Specialistët rekomandojnë që grupmosha mbi 20 vjeç duhet të konsultohet me mjekun, jo vetëm në rastet kur kanë probleme apo në “Tetorin Rozë”, por në mënyrë periodike.

Ministria e Shëndetësisë ka publikuar dhe hartën me 14 pikat ku gjenden Qendrat e Mamografisë nga veriu në jug të vendit.



INSTAT:

Viti 2021 me Numrin më të Madh të Vdekjeve në Shqipëri

Numri i vdekjeve të regjistruara në Shqipëri gjatë vitit 2021, kap shifrën e 30.507 personave, duke shënuar një rritje prej 10,5% vdekje më shumë, krahasuar me vitin paraardhës, raporton INSTAT në faqen zyrtare.

Sipas statistikave të paraqitura, ky është niveli më i lartë i vdekjeve vjetore të regjistruara ndonjëherë në vend dhe është si rrjedhojë e pasojave fatale që dha në shëndetin e popullatës pandemia e Covid-19.

Sipas gjinisë, regjistrohen 16.883 vdekje për meshkujt dhe 13.624 vdekje për femrat. Vdekjet e meshkujve përbënin 55% të totalit, nga rreth 52% që është në vite normale, duke treguar se pandemia ishte më fatale te meshkujt.

Sipas INSTAT, Niveli Bruto i Vdekshmërisë për vitin 2021 është 1.085,0 vdekje për 100 mijë banorë përkundrejt 972,7 vdekje që ishte në vitin 2020. Referuar shkakut kryesor të vdekjeve, peshën më të madhe e zënë "shkaqet natyrore" me 97,3 % të vdekjeve gjithsej.

Në vitin 2021, vdekjet nga grup sëmundja "Aparati i Qarkullimit të Gjaktit" zënë 52,4% të vdekjeve gjithsej. Ky grup sëmundjesh vazhdon të jetë shkak kryesor i vdekjeve, me një normë vdekshmërie prej 568,6 për 100 mijë banorë. Krahasuar me vitin paraardhës, ky grup sëmundjesh ka shënuar një rritje prej 10,8%.

Në grup sëmundjen "Sëmundje të Aparatit të Qarkullimit të Gjaktit" përqindjen më të lartë e zë vdekshmëria nga "Sëmundjet Kronike të Zembrës" me 37,2%, "Sëmundjet të Enëve të Trurit" me 23,7% dhe "Sëmundjet Ishemike të Zembrës" me 22,8%.

Grup sëmundja "Simptoma, Shenja dhe Sëmundje të Papërcaktuara Mirë", përbën grupin e dytë me numrin më të lartë të vdekjeve (16,8%). Krahasuar me vitin e kaluar, janë shënuar 9,0% më shumë humbje jete.

Vdekjet në grup-moshën mbi 70 vjeç përbëjnë 91,1% të vdekjeve për këtë grup sëmundje dhe shkakut specifik është "Vdekje nga Pleqëria".

Numri i vdekjeve të shkaktuara nga grup sëmundja "Sëmundje të Aparatit të Frymëmarrjes", është gati 1,5 herë më i lartë, krahasuar me 2020 dhe përbën grupin e tretë kryesor referuar shkakut të vdekjes. Rreth 11,8% e vdekjeve gjithsej kanë si shkak këtë grup sëmundje dhe niveli i vdekshmërisë për 100 mijë banorë është 128,4 vdekje.

Vdekjet nga grup sëmundja "Tumore" zënë 11,2% të vdekjeve gjithsej, duke u renditur si grupi i katërt referuar shkakut të vdekjes. Krahasuar me vitin 2020, janë regjistruar 4,4% më pak humbje jete nga kjo grup sëmundje. Në grupin "Tumore" përqindjen më të lartë e zë nëngrupi i "Tumore Malinj të Aparatit të Tretjes", me 35,2% dhe "Tumore Malinj të Aparatit të Frymëmarrjes" me 23,7%.



Shqipëria me Numrin më të Ulët të Mjekëve për 1100 Banorë



Shëndetësia ”falas” në Shqipëri, me buxhetin më të madh (për PPP), por me pagat më të ulëta dhe numrin më të ulët të mjekëve!

Në Shqipëri paga e një mjeku është mesatarisht 435€, sa gjysma e pagës në Kosovë dhe vendeve të tjera të rajonit!

Dhe jo vetëm kaq, por në Shqipëri kemi vetëm një mjek për 1100 banorë, mesatarja më e ulët në Evropë, sepse mjekët dhe infermieret emigrojnë në Gjermani për shkak të pagave shumë të ulëta!



Pensionet Private, Fondi “Albsig Invest” sh.s., Alternativa e Duhur për Shqiptarët

Në përgjithësi, pjesa më e madhe e popullatës në Shqipëri e ka konsideruar fondin e pensionit si detyrim, barrë financiare ngarkuar nga shteti. Mungesa e kulturës financiare dhe në veçanti mungesa e njohurive të zgjeruara mbi sigurimet, si dhe historiku i deri tanishëm i tregjeve financiare në Shqipëri, janë disa nga elementet kryesorë që pengojnë zhvillimin në këtë fushë. Aktualisht, tregu i pensioneve private është një treg i ri, me një mision të rëndësishëm. Megjithatë, mjafton të vrojtosh ritmet me të cilat po zhvillohet ky treg, në raport me treguesit ekonomik dhe arrin të vlerësosh rritjen e interesit publik dhe domosdoshmërinë e fuqizimit të tij.

Në këtë kontekst, ka lindur nevoja për reformimin e sistemit të pensioneve, duke u fokusuar në gjetjen e rrugëve të përshtatshme dhe të drejta të financimit, dhe konkretisht ndarjen e përgjegjësi të përbashkëta të mbulimit të nevojave jetësore në pleqëri, midis shtetit dhe individit. Një nga sistemet që po funksionon sot me sukses është fondi i pensionit vullnetar privat.

Pensionet Private, Kalvari dhe Peripecitë e Formimit të një Kulture në Treg

Qytetarët kanë rritur interesin për të investuar në skemat e pensioneve private. Tregu i pensioneve private në Shqipëri është ende i ri dhe zgjerimi i mirëfilltë i fondeve të pensionit nisi vetëm një dekadë më parë, pas përfshirjes së investitorëve me përvojë nga tregu bankar dhe ai i sigurimeve shtetërore.

Megjithë përpjekjet e shtuara në drejtim të zhvillimit të këtij tregu gjatë viteve të fundit, pesha absolute e vlerës së këtij tregu mbetet e papërfillshme kundrejt madhësisë totale të sektorit financiar në vend.

Pensionet private janë një alternativë shtesë për të siguruar të ardhura të qëndrueshme pas moshës 65 vjeçare, të ardhura të cilat konsiderohet ndihmë shtesë për të ruajtur standardet e jetesës pas pensionit. Politikat e pensioneve private synojnë t'i sigurojnë pensionistëve të ardhura të rregullta në baza mujore, që ndikojnë në uljen e probabilitetit që ata të preken nga varfëria, por gjithashtu edhe duke mos i përjashtuar ata nga skema sociale. Këto fonde kryesisht po nixten dhe po përdoren gjerësisht nga skemat e pensioneve të ndërmarrjeve private, që ofrohen në formën e përfitimeve për punonjësit. Skemat funksionojnë nëpërmjet kontributeve të derdhura nga punëdhënësit, në favor të punëmarrësve ose nëpërmjet kontributit të përbashkët. Kjo praktikë specifike është aplikuar dhe nga Fondi i Pensionit Vullnetar "Albsig Invest" sh.a, pjesë e Kastrati Group.

Çfarë është Fondi i Pensionit Vullnetar "Albsig Invest"?

Fondi i Pensionit Vullnetar "Albsig Invest" është një alternativë për të patur të ardhura shtesë përveç pensionit të garantuar shtetëror. Fondi është ideuar dhe krijuar për të shmangur problematikat e sistemit shtetëror, ku si rrjedhojë e rritjes së jetëgjatësisë, nuk arrin të sigurojë të ardhura të mjaftueshme për një pjesë të konsiderueshme të popullësisë, në momentin që arrijnë moshën e pensionit. Politikat dhe procedurat rigorozë të Fondit të Pensionit "Albsig Invest" të miratuara edhe nga rregullatori shtetëror në fushën e sigurimeve, Autoriteti Mbikëqyrjes Financiare (AMF) ka mirëpërcaktuar se fondet e depozituara për pension suplementar pranë Albsig do të investohen vetëm në obligacione afatgjata të Republikës së Shqipërisë. Tradicionalisht obligacionet qeveritare janë aset me rrezikun më të ulët, ndër asetet e tjera në tregun e kapitaleve dhe konsiderohen me rrezik zero.

Si Mund të Anëtarësohesh në Fondin "Albsig Invest"?

Fondi i Pensioneve "Albsig Invest" me qëllim për t'i ardhur në ndihmë çdo konsumatori ka hartuar dy lloje skemash efikase dhe shumë qartësisht të kuptueshme për të gjithë grupin e synuar të interesit. Skemat janë ndarë në dy grupe, skema profesionale dhe skema individuale:

Skema Profesionale

Bizneset e mëdha, me një numër të konsiderueshëm punonjësish, janë ata që janë bërë iniciatorë në këtë skemë. Në skemën profesionale punëdhënësi dhe punëmarrësi (individi) kontribuojnë së bashku në llogarinë e hapur për punëmarrësin (individin). Një grup i madh biznesesh kanë përzgjedhur Fondin e Pensionit Vullnetar "Albsig Invest". Vlen të theksojmë se nga përvoja dy vjeçare e këtij Fondi duket qartë dhe përqindja në treg e bizneseve që kanë përzgjedhur këtë të fundit.

Skema Individuale

Skema individuale është ideuar dhe krijuar që individi (punëmarrësi) të kontribuojë bazuar në mundësitë financiare që mund të ketë çdo muaj. Në skemën individuale vetëm individi (punëmarrësi) kontribuon në masën e dëshiruar.

Shtirja në Kohë, Politika më e Mirë e Investimit

Element i rëndësishëm që shoqëron investimin për pension është kohëzgjatja. Sa më gjatë ta kesh kohën e investimit, aq me frytdhënës do të jetë dhe investimi që bën. Fondi do të investojë kryesisht në obligacione afatgjata të Shtetit Shqiptar. Objektivi i Fondit të Pensioneve Vullnetare "Albsig" është optimizimi i normës së kthimit, duke ruajtur principalin dhe duke monitoruar tolerancat për një rrezik sa më të ulët. Njëkohësisht është shumë e rëndësishme horizonti i investimit. Horizonti i investimit duhet të jetë afatgjatë, konkretisht duke nisur nga 10 deri në 30 vjet.

Çfarë Përfiton një Anëtar i Fondit të Pensioneve Vullnetare "Albsig Invest", në Momentin kur Bëhet Pjesë e Tij?

Çdo anëtar i Fondit të Pensionit Vullnetar "Albsig Invest" ka të drejtë të përfitojë shumën e investuar, e akumuluar në format e paraqitura më poshtë, kur përmbush kushtet përkatëse të specifikuar sipas kategorive ku ata bëjnë pjesë si:

• **Pension Pleqërie:** kur mbush moshën e pensionit të parashikuar në ligjin për sigurimet shoqërore;

• **Pension të Parakohshëm:** 5 vjet përpara se të mbushë moshën e pensionit të parashikuar në ligjin për sigurimet shoqërore;

• **Pension Invaliditeti:** kur bëhet i paafte për punë në mënyrë të përhershme dhe që vërtetohet, në përputhje me legjislacionin në fuqi;

• **Pension Familjar:** në rastin kur anëtar i vdes përpara se të marrë pagesën e të gjithë aseteve të veta, asetet në llogarinë e tij/saj u shpërndahen trashëgimtarëve, në përputhje me dispozitat ligjore që rregullojnë trashëgiminë.

Pse të Anëtarësohemi në Fondi i Pensioneve "Albsig Invest"?

Ndryshe nga sistemi tradicional i pensioneve në shtet, sistemi privat i pensioneve ka një sërë avantazhesh për të gjithë konsumatorët që mendojnë të bëhen pjesë e tij për një jetë më të mirë. Investimi në këtë fushë ka bërë që një pjesë e mirë e konsumatorëve të përfitojnë nga kontributet e derdhura çdo vit. Për efekt llogaritje tatimi, kontributet periodike janë të zbritshme nga paga bruto. Investimet në fond janë të përjashtuara nga tatimi mbi interesin dhe të ardhurat nga kapitali. Gjithashtu, dhe në rast të humbjes së jetës, fondi i pensionit është i trashëgueshëm. Investimet kryhen nga profesionistë shumë të specializuar për të kryer investimet më të duhura për fondin e pensionit, e cila ndikon pozitivisht mbi normën e kthimit. Për më tepër, theksojmë se avantazhi kryesor i fondeve të pensionit në krahasim me investimet individuale, është mundësia e diversifikimit që ofrojnë fondet.

Metoda e Aplikimit, Transparencë e Plotë

Në kuadër të transparencës dhe mundësisë për të kontrolluar dhe verifikuar llogarinë personale online, çdo anëtar që bëhet pjesë e

Fondit Vullnetar "Albsig Invest" (nëse e përdor këtu Albsig Invest duhet sqaruar që lart terminologjia) pajiset me një emër përdoruesi (username) dhe fjalëkalim (password).

Në llogarinë e tyre personale paraqiten të gjitha kontributet e kryera, norma e kthimit të Fondit dhe informacione të tjera të rëndësishme. Fondi i Pensionit Vullnetar "Albsig" është i trashëgueshëm për familjen dhe lejohet depozitimi dhe i shumave të vogla të parave.

Sa Duhet të Paguaj? Pyetja që Bëhet më Shpesh

Pyetja me të cilën hasemi më shpesh nga shumica e të interesuarve është shuma që duhet të paguajnë në Fond. Për ta bërë sa më të aksesueshme nga të gjithë pjesëmarrjen në Fonde të tilla Sigurimi, ekspertët e fushës kanë hartuar politika të tilla, që investimet e bëra të jenë në bazë të çdo mundësie financiare që gjithësecili prej nesh ka. Për t'i krijuar gjithkujt mundësinë e pjesëmarrjes në fonde pensioni vullnetar, shuma minimale e kontributit është menduar të fillojë nga 1,000 lekë në muaj. Dëshirojmë të theksojmë fort se është shumë e rëndësishme hyrja në fond, sa më herët për çdo kontribues pasi aq më shumë fitimprurës do të jetë investimi dhe si rrjedhojë edhe të ardhurat shtesë të përfituara në moshën pas daljes në pension.

Po në Rast Paaftësie apo Humbje Jete, Çfarë Ndodh me Kontributet?

Në rast sëmundjeje apo aksidenti gjatë kohës së anëtarësimit, ju përfiton pension invaliditeti, të cilin e merrni pranë Fondit të Pensioneve "Albsig" deri në përfundim të aseteve në llogarinë tuaj.

Në rast humbjeje jete të personit që ka investuar, e gjithë shuma e mbetur e kontributeve, së bashku me interesat i kalon familjarëve të tij (trashëgimtarët përfitojnë pension familjar).

Ku Mund të Anëtarësoheni?

Mos prit më gjatë! Mendo për një pleqëri të mbarë dhe pa probleme ekonomike. Nis investimin tënd edhe për vitet e pensionit! Për të gjithë të interesuarit, për t'u anëtarësuar në Fondin Vullnetar "Albsig", përveç mundësive të aplikimit online, ata mund të drejtohen pranë rrjetit të degëve të "Albsig" sh.a., në të gjithë Shqipërinë ose pranë zyrave qendrore të "Albsig Invest" në Tiranë.

Anëtarët e Fondit Vullnetar Albsig Shpërblehen me Karta Klienti Anëtarët e Fondit "Albsig Invest" shpërblehen me karta klienti për mundësi uljesh në të gjithë gamën e produkteve dhe të shërbimeve në "Albsig" sh.a. Për shërbimet spitalore e shënde tësore të gjithë anëtarët e Fondit të Pensioneve "Albsig Invest", pajisen me kartën e anëtarësimit "Albsig MED", me anë të së cilës përfitojnë ulje në të gjithë rrjetin privat spitalor. Përfitimet e klientëve nuk mbesin këtu, pasi "Albsig Invest" ka menduar më shumë për klientët. Për të gjithë anëtarët e Fondit Vullnetar të Pensionit "Albsig", që janë klientë besnikë të "Albsig", pajisen me kartën e përgjithshme të klientit, përmes së cilës ata përfitojnë ulje për produktet, si më poshtë:

- Deri në 25% bonus për sigurimet vullnetare të makinës;
- Deri në 20% bonus për sigurimin vullnetar të shtëpisë;
- Deri në 50% bonus për sigurimin e shëndetit në udhëtim.



Fondi i Pensionit
Albsig

albsiginvest.al 



Kontribuo për të
ardhmen tënde që sot

nga

1000 lekë në muaj



☎ +355 (0) 42254770 / 764

✉ info@albsig.al

WWW.ALBSIG.AL